

ذبحوا حسين
دمومه خلاها جريه
ذبحوا حسين

هَلِّي يَا عَيْن
نَحْرَهُ حَزَّهُ ابْنُ الدَعِيَّةِ
هَلِّي يَا عَيْن

وقت الوداع تنادي
ذايب بيويه أفادي
ضيم الدهر للهادي
زلزل بجيها الوادي
دمع الحزينه بادي
قلبه وقلبها صادي

سكينه من الخيمه اجت
للموت اشوفك سلمت
ردنا المدينه نشتك
وياها ظل دمعها يهل
وبحجره حسّت باليتم
مهجتها تتلاهب جمر

ما اشوفك

شلون اعوفك

تودّع حبيب الزهره
تخنقها نار الحسره
ريّض يباقي العتره
تظمّه وتقبّل صدره
تتحسّف امن تنظره
الله شمسويه قشره

ميمون اخوها تقدّمه
يحرق قلبها بروحته
يبن امي اوقف نادته
قامت تشمه بمنحره
أدت أمانة فاطمه
عازم على ملاقى الأجل

تخني لضلاع

نظرة اوداع

حسين الغريب الحيران
يتلقّت اعلاه الصيوان
ملتّمه حوله العدوان
ودمومه تهمني غدران
صابه السهم بالشریان
ينازع طريح التربان

شؤدره يقوم

بنعله على صدره داس
سل سيفه يحز الراس
ما عنده غيره واحساس
خمد يويلى الأنفاس
فصلوا كريمه الأرجاس
ما حد يشيله من الناس

واذبيحاه

حلقه يبس امن العطش
يبيجي على انصاره وقف
بالحومه وحده بحيرته
جاه الحجر صك جبهته
هم يمسح بثوبه الأثر
لمتاث اقلبه نشب

يشخب دموم

شمر الضبابي تعنى له
بيده قبض عل شيبته
ما روى قلبه من الظما
بثنعش ضربه يهبّره
ميزاب يصب دم منخره
تحوط الملايك مصرعه

واحسبنا

من رد مهر واليها
دموع الأسى يجريها
مذعور ايصبح اعليها
وينه وقع حامياها
ذبحت ابن هادياها
ظنت رجع غالياها

زاد ألمها

تقنطر ولينه في وين
تحمم عليه بالبين
خاني أشد جرحه زين
تشمه وتحني الجفين
اعله التل تنادي يحسين
والدمعه جمره بالعين

تشعب الروح

قلب الوديعه شحاله
متخضب بفيض الدما
يصل على باب الخيم
خالي من حسين السرج
ينادي الظليمه أمته
فرعت له زينب تنشده

شقد هضمها

صاحت يمهر النايبه
عفته ورجعت بهالبله
دليني قلي بيا كتر
بالعشره شبكت عالفرس
اعنانه لزمتم واطلعت
بنار الفجيعة تنچوي

ظلت اتنوح